

Ekskluzive

Ekskluzive | Alarmoi Policinë se dikush i kishte hyrë në banesë – brenda u zbuluan drogë, para dhe fishekë, ndalohet 17-vjeçarja në Prizren



Sinjali.com

03 Gusht 2026 22:29



Një telefonatë për një person të panjohur që dyshohej se kishte hyrë në një banesë në Prizren ka përfunduar me zbulimin e një sasje të konsiderueshme narkotikësh, parave të gatshme dhe municionit, ndërsa një e mitur është ndaluar nga Policia.

Sinjali mëson se e dyshuara është **E.Sh.**

Sipas burimeve, ngjarja ka ndodhur në orët e para të mëngjesit të 3 gushtit, rreth orës 03:00, në rrugën “Rrust Kabashi” në Prizren.

Burimet bëjnë të ditur se fillimisht një vajzë kishte telefonuar Policinë duke raportuar se dyshonte se një person i panjohur kishte hyrë në banesën e saj dhe se ndihej e frikësuar.

Pasi kanë mbërritur në vendngjarje, zyrtarët policorë kanë hyrë në banesë së bashku me të miturën për të verifikuar raportimin. Gjatë kontrollit, ata kanë hasur në një çrregullim të madh në banesë dhe kanë vërejtur substanca të dyshuara narkotike të shpërndara në vende të ndryshme, mes rrobave, valixheve dhe qeseve.

Në vendngjarje kanë dalë hetuesit dhe njësia e forenzikës, të cilët kanë sekuestruar:

- **33.17 gram substancë të dyshuar narkotike të llojit marihuanë;**
- **135 euro para të gatshme;**
- **katër fishekë të armës së zjarrit.**

Sipas burimeve, e mitura dyshohet se ka qenë nën ndikimin e substancave narkotike në momentin e ndërhyrjes së Policisë.

Gjatë intervistimit, në prani të avokatit mbrojtës dhe përfaqësuesit të Qendrës për Punë Sociale, ajo ka pranuar se narkotikët dhe sendet e sekuestruara i përkisnin asaj.

Me urdhër të Prokurorit për të Mitur, ndaj saj është iniciuar procedurë për veprat penale “Blerja, posedimi, shpërndarja dhe shitja e paautorizuar e narkotikëve, substancave psikotrope dhe analoge” dhe “Mbajtja në pronësi, kontroll ose posedim të paautorizuar të armëve”.

Me aktvendim të Prokurorit të Shtetit, 17-vjeçares i është caktuar masa e ndalimit për 24 orë, ndërsa hetimet për rastin janë në vazhdim.

Sinjali – aty ku e vërteta flet para lajmit!

/GazetaSinjali/

Sinjali

Gazeta Sinjali mirëmbahet nga kompania "Sinjali" sh.p.k. Materialet dhe informacionet e Gazetës Sinjali nuk mund të kopjohen, të shtypen, ose të përdoren në çfarëdo forme tjetër, pa leje nga redaksia.



Lajme

Zgjedhjet 2026
Kosovë
Shqipëri
Rajon
Diasporë
Evropë
Botë

Aktualitet

Politikë
Drejtësi
Siguri
Shëndetësi
Arsim
Sociale

Hulumtime

Ekskluzive
Profile
Skandaloze

Ekonomi

Prodhime Vendore
Financa
Biznes

Sport

Botërori 2026
Futboll
Basketboll
Sporte Luftarake
Sporte të tjera

Showbiz

Bota e Yjeve
Modë & Stil
Bukuri dhe kujdes
Të tjera

OP-ED

Analizë
Kolumne
Intervistë

Jetë

Fitness
Ushqime
Travel
Këshilla
Receta
Dieta
Shëndeti

Kulturë

Film
Muzikë
TV & Radio
Libra
Art & Dizajn
Fotografi
Histori

Tech & Auto

Teknologji
Automjete
Telefona
Internet
Lojëra
Aplikacione

Fun

Qesharake
Kuriozitete
Kuize
Fakte
Të tjera